



文苑  
蒲菝  
蔽

十

哀  
冊  
文

五  
二  
三

~ 20  
2457  
11





233211

冊 20  
編 9457  
卷 11

文苑黼黻卷之二十一 目錄

哀冊文一

宣宗大王哀冊文

宣安王后哀冊文

太宗大王哀冊文

元敬王后哀冊文

世宗大王哀冊文

昭憲王后哀冊文

文宗大王哀冊文

顯德王后哀冊文



文苑黼黻卷之二十一 目錄



世祖大王哀冊文

貞熹王后哀冊文

德宗大王哀冊文

睿宗大王哀冊文

章順王后哀冊文

成宗大王哀冊文

恭惠王后哀冊文

貞顯王后哀冊文

中宗大王哀冊文

中宗大王改封陵本冊文

章敬王后哀冊文

仁宗大王哀冊文

仁順王后哀冊文

宣祖大王哀冊文

懿仁王后哀冊文

仁穆王后哀冊文

仁祖大王哀冊文

仁烈王后哀冊文

莊烈王后哀冊文



文苑補遺卷之二十一

哀冊文一

定宗大王哀冊文

世宗己亥

殞殿向晨靈輻將發淡月昭兮銘旌酸風吹兮縞緋  
 嗣王臣讎祇奉祖儀延晷刻悵仙馭之難攀悼宸  
 容之永隔爰命詞臣載撰臧德其辭曰於皇太祖肇  
 造洪業粵我先后昭哉繼述因心孝友克敦和睦其  
 在潛邸贊揚知多屈此倭奴民用投戈茂膺盈成恩  
 亨動植乃緣沉痾倦于勤恪讓于有德早解機務肆  
 惟上聖受命踐阼垂二十年治道熙洽比于文明續



承曆服式至今休莫非啓迪惟德之光惟功之濯優  
遊怡養謂享期頤夫何一夕遽貽永違嗚呼哀哉觀  
宸扆兮如在遺弓劔兮奚遽致感見於二聖紛感集  
於臣庶嗚呼哀哉嗟有生之萬殊兮咸乘化而歸盡  
惟神聖之遺烈等乾坤而不泯嗚呼哀哉

定安王后哀冊文 太宗壬辰

殞宮向曙靈輻欲行星月慘其錯列仗衛森以縱橫  
我聖上重念為後之義深切襄事之誠爰命作冊載  
揚休聲其辭曰惟我大妃生于令族天性之真致其  
貞淑儷尊上玉壺儀斯飭思媚太任徽音以續庶幾

壽考克終貞吉天固蒼茫事亦反側一疾大漸百身  
莫贖象服俄空魚軒永寂嗚呼哀哉空傳教於內則  
無復祀於高禩露葉晞兮無迹風花散兮不迴嗚呼  
哀哉想仙府兮魂杳杳閨後宮兮愁沉沉梧桐凋兮  
夜雨松栢翳兮秋陰嗚呼哀哉諒難逃於理數兮孰  
能超然而獨存但追慕之未禁兮聊以此而形於言

嗚呼哀哉 大司成  
權遇製

太宗大王哀冊文 世宗壬寅

殞宮斯啓繆幕將移百僚侍從萬仗葢凝曉露悽兮  
山川慘酸風動兮草木悲暝上叩地踊天摧肝毀瘠



仰宸宸兮如在悼天顏兮永隔爰命詞臣式宣盛德  
其辭曰粵惟東方爰自王氏統一三韓幾五百紀主  
昏政亂神怨人離天眷懿德俾造丕基恭惟我后灼  
知天命扶翼聖祖撫有萬姓欽承帝命用賓王庭敷  
奏懇款接遇寵榮炳幾靖亂宗社是定祇事恭靖益  
敦愛敬此續洪業式弘至治恩及飛潛頌騰遐邇交  
隣以道事大彌勤帝命丁寧詔辭繾綣印章有赫冕  
服斯煌島夷賓服家國平康功先先祖德垂後人惟  
德之聖惟功之神夙越前古克配上天歛此盛美垂  
耀簡編嗚呼哀哉道叅化育明燭幽微禮典樂作文

昭武威始終二紀勤勞庶政志于怡養傳之神聖畏  
天之敬憂民之誠未嘗頃刻弛于聖情庶幾遐齡永  
享榮養奈何一朝偶嬰微恙遂大漸而不愈貽罔極  
之哀踰嗟臣庶之薄祐致天日之永韜嗚呼哀哉儼  
祖庭兮盡禮獻冊寶兮揚徽惟聖上之茹痛兮如窮  
人之無所歸塵棲兮宮掖兩泣兮臣民執靈輶以擗  
踊兮望喬山而怨蒼旻嗚呼哀哉噫脩短之有數兮  
雖聖智而難逃惟功德之至大兮與日月而齊高嗚  
呼哀哉

元敬王后哀冊文

世宗庚子



殞殿向晨擯宮肇啓丹旒載途祖庭奉禮素月明兮  
慘惓寒風動兮悲涼聖上踰天永慕叩地增傷望仙  
馭兮不返痛慈訓之永違爰命法從式叙孝思其辭  
曰乾元資始坤道順承母儀之正王化攸行恭惟太  
后生有令德來自世家獲儷宸極君子好逌家人利  
貞秉心祗敬率禮相成此登大位奉承宗祀祥膺麟  
趾慶綿瓜瓞子孫振振德音秩秩惟我聖上撫運昇  
平黎民於變治教休明惟功之盛惟德之光宜受多  
福永享無疆何一疾之大漸至數旬而靡瘳遂奄棄  
於榮養恨無計以攀留嗚呼哀哉陳象服兮如在委

環珮兮劇忙嗟聖上之號慕兮仰蒼昊而痛痒儼庶  
寮兮侍從藹仙仗於康莊嗚呼哀哉哀人生之脩短  
諒天數之參差惟義範之不泯與日月而昭垂臣承  
命而載筆敢撰德而叙辭嗚呼哀哉

世宗大王哀冊文

文宗庚午

龍擢撤帟蜃輅戒軻縞緋霜回彤旌雲引徇禁殿之  
淨爍僚玄臺之黯黯酸風號兮萬井聲悲淡霧橫兮  
兩儀色慘聖上累增擗地之哀永軫終天之惛渺真  
遊兮莫攀仰徽馭兮尚範降睿綍於金鑾揚景鑠於  
翠琰其辭曰恭惟世宗聖乃天生聰明典學仁孝存



誠主器不易前星未明特升儲位允叶輿情此御宸  
宸益勵寅恭神機電斷大智天道裁決師古疇咨用  
中作樂定禮在衡釐工經文緯武旌能簡功正畧均  
賦輕徭薄供欽恤囹圄敦勸桑農善養耆耄惠鮮困  
窮側席延英虛襟納忠經帷講道輪對達聰廟焉肅  
肅宮而雖雖推恩揀蕞毓秀蘭叢宗支受學禮誼飭  
躬歲事克虔天眷彌隆綸褒諄切錫賚稠重交隣以  
禮款閔攸同琛輸島夷信納山戎或剗頁險悉拓提  
封詰兵除器固圍設墉民莫高枕塞絕警烽神化溥  
暢至和薰醲白雉效靈甘露呈瑞三紀于茲太平之

治倚歟偉績卓爾罕比遐笙方期大器奄棄嗚呼哀  
哉貽謀垂裕勵精敷賁時雍已臻日慎愈至覃思博  
觀著書垂示燕處不懈乙夜忘寐憂勞積久疾疢遂  
致爰命元良叅決庶務冀得怡養永享慶祚舜勤纒  
倦成命欲顧秉圭之請莫伸憑玉之訓不悟日翳翳  
其遽淪天茫茫其誰訴嗚呼哀哉鎖金扉兮閔寐塵  
黼座兮糝糊想垂衣兮如昨睇凝旒兮何無璿極色  
悽楚瓊枝情鬱紆涕雨灑兮貫魚哭雷殷兮趨鳥鳥  
空留控橋山弓謾抱於鼎湖青烏卜兆黃螭首途指  
大母而徐進凌廣漢而經逾郊原空兮水為咽巖岫



文苑補註 卷二十一  
五  
暝兮雲不徂嗚呼哀哉獻寢連岡英園同城馬鬣乍  
封龍顏永隔長夜兮漫漫重泉兮漠漠自今辰而一  
辭兮復何時而再覲嗚呼哀哉聖之生也亦涯仁之  
壽兮或畜揣天意兮難諶宵神理兮叵測顧熙熙奉  
三之至治暨蕩蕩減五之盛德輝汗青而不泯兮配  
穹蒼而罔極嗚呼哀哉

昭憲王后哀冊文 世宗丙寅

蜃衛宵嚴龍輶曉發明旖旎乎淒飈素葆幡纒乎  
淡月背楓禁之蛸蛸指栢城之幽鬱主上殿下悲良  
佐之遽失悼貞儀之永隔爰出綸於鑿坡俾揚芬於

鳳冊其辭曰乾坤合德品彙資生兩曜齊光萬類仰  
明母儀之端王化攸基塗山翼姒渭涘佐姬皇矣上  
帝眷我聖王迺作之合載之厥祥溥彼松土蔚乎鍾  
神有美華闕是誕頌人俛天毓粹偃月標竒生知淵  
懿性秉溫慈允為好逌克著芳猷潛德之助麗軌維  
優遂陟坤位益勤陰教魚貫率履鷄鳴申告大練儉  
昭樛木仁覃善慶則篤義訓斯嚴前星炳明猗蘭馥  
郁化隆二南教刑一國五福云備萬壽宜永地紀何  
極於絕維月御俄催於鞞景嗚呼哀哉噫始嬰於疾  
疾謂暨乖於節宣庶勿藥之有日竟與齡之無天悲



經列掖兮殉欲隨淚凝重瞳兮恨不禁百姓哀其妣  
喪群僚懷其母臨嗚呼哀哉椒闈扁兮鉅砌苔香奩  
閣兮玉臺塵鳴璫兮響已絕脫簪兮規孰陳象服徒  
設駒隙易馳玉露泣兮泣草金風號兮驚枝柳輅行  
兮遙迤薤歌咽兮楚惻漢水波兮增傷陰雲合兮慘  
色嗚呼哀哉玄宮既卜青烏不違接獻陵之舊岡啓  
佳城之新扉山屏擁而峩峩水環回而泠泠維靈維  
宅乃妥乃寧厚夜不暘終天莫晨斷烟棲兮松楸荒  
辭澁兮麒麟嗚呼哀哉振古以還有生誰久哲無不  
萎仁未必壽惟德配乾剛之丕範與光侔日臨之微

蹤托青編以不朽後黃壤而無窮嗚呼哀哉

文宗大王哀冊文

端宗壬申

畫擯褰帷雕輜飭轄羽翹前驅蜃儀森衛雲旌颯其  
拂秋露縟淒其引曉背楓禁之蠖護指栢城之縹緲  
孝子嗣王踰天悲慕履霜哀涕慟三朝之早違慨五  
月之有制攀鳳馭兮莫及緬龍顏其若侍爰降綸於  
鑿坡俾傳芳於玉宇其辭曰於赫文宗載揚耿光重  
華協帝一德齊湯粵出蒼震早位前星淵冲海潤玉  
振金聲先王倦勤俾總監務參贊化育經緯文武受  
寶承乾順紀迓衡去邪勿疑進善有旌手札求言親



策取人士喜豐駕忠納批鱗明刑曰欽敬老由孝整  
鍊戎兵脩隆學校稼穡即田茲芬以祀輕徭薄賦務  
儉去侈因心篤慶既睦堯親崇德稽典肇建虞賓廣  
廈細氈延訪汲引德惟日新學乃時敏聖又多能妙  
兼衆絕典謨奎章規矩神筆奧窮性理幽探韻曆乙  
夜忘疲燕安戒毒方朮衣而永圖遠脫屣而遐陟嗚  
呼哀哉孝稟睿性憂居諒陰漢制嫌短舜慕愈深殺  
至哀於祥禫稱殷禮以烝嘗璋瓊莪莪詔勻鏘鏘紛  
環珮兮趨踰儼冕旒兮肅穆歡聲競沸乎萬姓佳氣  
方騰乎四域胡不豫兮大漸謂勿藥兮有喜吉未卜

於金滕命俄顧於玉几嗚呼哀哉紫殿欲夕黼宸如  
昨宮車晏駕仙仗慘色哭成雷於薦紳淚為雨於宸  
極丹鼎兮荆湖白雲兮帝鄉欲攀髯兮何從徒抱弓  
兮增傷嗚呼哀哉壽原肇古先天不違龍阜慈鬱象  
設依倚薦瓊學兮夕袒輶金根兮宵發風繹繹兮旒  
悠揚月淡淡兮輓哀咽衣冠未覩於梧野劍舄終秘  
於喬山重雲漠漠兮瑤扉高厚夜沉沉兮玉匣寒嗚  
呼哀哉天傾厥維日潛其曜大德其能必壽兮至明  
或未久照究理數兮參差訢蒼穹兮杳冥顧盛業輝  
光之不顯與神化巍蕩之難名溢青編兮遺範三百



代兮休聲嗚呼哀哉

直提學金  
宗直製

顯德王后哀冊文

世宗辛酉

蜃輅宵陳鶴闕曉闢整靈輅以啓行儼儀衛其如昔  
殿下德洽群倫恩敷九族哀懿範之早違悼潛泉之  
永隔爰命詞臣載稽典冊其辭曰天祚有德長發其  
祥迺泐媛用儷元良執婦之道曰嬪于京柔儀夙  
整內則維羽善慶斯熾福祿斯經載震載夙彌月不  
違方熊夢之表瑞查蟾輪之墜魄何春桂之芳鮮先  
秋霜而零落嗚呼哀哉青宮闋寂翠幄依倚悲纏里  
巷痛結儲闈百僚盡瘁兩宮偏傷優加寵數備舉彝

章行以謚尊恩由禮盛俾增不朽之名以彰有後之  
慶嗚呼哀哉天濶露零山重水阻風蕭蕭以驚秋雲  
霏霏以拂曙翟第引而逶迤薤歌凝而淒急撫祖奠  
以涕流舉酌觴而心惻慨彭殤之不齊仰任如其奚  
及履霜露而增歎攀松楸而泫泣嗚呼哀哉山容慘  
悽日色蒼茫玄扃一閉脩夜不暘惟靈如在兮乃定  
乃康歆我禋祀兮天地久長祚我元孫兮萬壽無疆  
嗟彤管之撰德兮與青史而流芳嗚呼哀哉

世祖大王哀冊文

睿宗戊子

龍輅警引蜃輅啓轍陳象設於園寢儼虛衛兮池綽



五洲叢書卷二十一  
九  
兆庶兩泣於街郊萬靈風踊於寥廓孝子嗣王擗地  
無容終天何極悼鷄寢之永違攀鳳馭兮莫及降綸  
音於鑿殿撰徽猷於玉牒其辭曰仙李盤根傳祚奕  
葉聖繼神承重熙累洽泰道中微屯運適值孽芽其  
間睥睨神器世祖在邸宗社是衛至明炳幾大勇電  
掣天步復安曆數攸繫牢讓不獲大統入繼駕馭群  
雄鼓舞一世昂新庶政革故積弊聖學高明道妙默  
契繼往心傳定易口訣招延宿儒講論前席時著訓  
辭日就儲德祭天南郊策士太學昭儉浣衣務斥華  
飾椒壺儀整棟萼恩廣五刑惟恤一管戒枉寃民無

蓋老者善養大事在戎注意閱武命衛部將置摠管  
府宣傳設官兵將著說丁括號牌額增軍籍東狩南  
巡民安物阜政先農蠶富積倉庾參酌科條勒成典  
章餘事真教虔禮道場天花晝雨甘露宵灑協氣翕  
騰禎符屢彰白鹿來馴青鶴飛翔威風震止朔庭遂  
空神化漸東航海來同隴禽入貢水咒納錫至治之  
象惟德繫物盜據公險兵弄潢池敢肆虐劉自擁旌  
麾命將擐旗拉朽建銳胡虜犯邊天子徵兵萬軍齊  
向群醜此屈穴擣三衛俘獻九闕帝嘉丕績睿眷彌  
渥盛德神功光前絕後祝億載壽為萬民父胡馮相



之稔告忽宮車兮晏出嗚呼哀哉聖本生知藝又多  
 材前代博觀大度益恢廓清區宇再掃妖瞶勲忠碩  
 輔如帶如礪勵精乙夜貽謨燕翼圖臻太平三五媿  
 隆克艱厥位十四年中節宣有乖憂勞積久未至大  
 漸遂釋重負冀居閒以怡養庶永享於慶祚嗟金方  
 良藥之不效乃下末命之乍道嗚呼哀哉日遽淪  
 兮揮戈莫駐天之崩兮鍊石誰補鼎湖兮棄弓喬山  
 兮留鳥哀喪考兮攀踊痛孺哭兮嗚咽嗚呼哀哉乘  
 白雲兮帝鄉卜青烏兮壽原莫兮瓊學曉發兮金  
 根列綺城之哀仗引滋橋之度憶風淒楚兮颺酸旒

月慘悽兮唱苦輓仰仙遊兮縹緲高夜臺兮聞啼嗚  
 呼哀哉大德之未必壽兮巧曆之莫能測諉官冥之  
 理數兮揭巍蕩之功烈後玄壤以長存冠蒼穹而罔  
 極嗚呼哀哉

貞熹王后哀冊文

成宗癸卯

龜馱協日駮馭首途晨燎哲哲於殿衛愁雲靄靄於  
 綿區八神將驛三酌既斟哀絲主上殿下祖載殫誠  
 摧慕疚心痛仙仗之不返悲永巷之莫臨乃降睿旨  
 俾頌徽音其辭曰媯納嬪虞曾沙母漢王道之成實  
 資協贊代有彤史昭哉粲粲於皇我朝家法最正聖



善相繼曰篤其慶續女鈴原是生碩媛世祖初載誕  
膺妙選儼體藩邸承歡宸極妯娒咸婉咸懷嬪則間  
罹弗造國步中微密佑神謀寶命有歸功存十亂位  
正中闡率禮蹈和願史陳詩心虔蘋藻教闡絃絃壺  
化川流十有四年二聖禮陟憂虞相聯日行黃道由  
其幹旋宸器得主瑤圖帖然博厚載物振發先前深  
惟挹損燕處怡神明德之德宣仁之仁巍巍衆美總  
之一身翼翼神孫孝孝慈訓懋昭前烈重熙昌運式  
罄孝思奉以一國庶幾眉壽永享多福頃因清疾稍  
愆五度靈泉薰浴乘此春煦吉語初騰榮衛和裕翟

第將返懽溢都中何圖馮相告殺行宮皇祗震夜圓  
魄淪空三朝未展八頌其嘗嗚呼哀哉司造莫測壑  
舟倏移萬歲之祝一霎已而追皇英於湘水兮宴金  
母於瑤池委環珮兮披靈衣擁夷樂兮張素帷嗚呼  
哀哉龍袞慘以變縗兮撫末命而攀踊鷺班隱以成  
踊兮懷社飯以驚咷脩凱風兮曷報仰昊天兮蓋高  
輶輟殷鑠原野逶迤青門永隔紫閣長歎嗚呼哀哉  
因山既卜吉日載消威儀夙列羞醴潔蠲鄙禹穴之  
不殉兮遵鮒隅以同阡梧桐敷兮葦葦鳳凰鳴兮噫  
噫殿塵世之滂濁兮娛壽原之鬱葱嗚呼哀哉理有



屈伸數亦終始茫茫堪與誰能久視惟至德之不朽  
兮尚有賴於圖史我聖后之懿美兮宜同符於任姒  
與鴻祚以無疆兮流芳聲於萬禩嗚呼哀哉

右副承旨金宗

直

德宗大王哀冊文 世祖丁丑

龍擯撤帟蜃輅結驂翟第婀娜羽衛森嚴主上殿下  
哀繼明之不耀悼主器之無祿瞻東朝其慘淒臨甲  
觀而悲惻載命詞臣式揚休烈爰撰德於琬琰永傳  
輝於簡策其辭曰乾龍在天震索儲祥仰惟前星曰  
位少陽姿相岐嶷德器元良溫文端重英睿聰明大

孝生知至仁性成兩宮鍾愛貳極居尊詩禮早聞膳  
寢是虔承順無違夙夜惟勤惟聖天縱惟學時敏尊  
師重傅親賢遠佞左右惟人輔養以正承祧主鬯撫  
軍監國參贊聖謨翊亮大業惕惕承乾明明繼禹天  
子曰命衰服是宜羽翼既成磐石愈堅方嗣體而守  
國忽厭世而昇仙嗚呼哀哉夏謳之啓堯顙類辛漢  
儲之建已早周嗣之孝乃純藹民庶之懽心忤吾君  
之有子嗟九齡之不與遽三朝之未至嗚呼哀哉龍  
顏永違鶴駕長往乾維傾兮星躔掩耀坤軸缺兮少  
海翻浪嗟震雷之奄驚悼七鬯之已喪春宮闕兮鎖



門講筵疇兮虛幌嗚呼哀哉金枝早隕玉裕永闕仁  
何為兮不壽德何為兮不位究理數之參差仰真宰  
其茫昧嗚呼哀哉龜謀協貞龍岡卜吉玄宮啓扉編  
衣載緋儼仙仗兮雲移殷簫鼓兮泉咽風縹緲兮欲  
曉月淡淡兮將夕嗚呼哀哉悲大夢之若此竟厚夜  
之不晨緬音容之何在踟躕壤而無垠叫帝閭兮莫  
聞隱予心兮誰激嗚呼哀哉吉凶匪人脩短關天哀  
榮極備終始以全顧令德令儀之可尚而重輝重潤  
之難名配蒼穹以不朽溢汗青而有聲嗚呼哀哉

睿宗大王哀冊文

成宗庚寅

攢宮初啓祖筵乍撤素帟褰周玉漏警節偈天闕之  
昭燒指泉臺之渺漠酸風縹兮淒聲苦月斜兮淡色  
嗣王殿下攀蜃衛而延佇撫鷺輅而淒惻慨時月之  
有制痛幽明之永隔降雍言於鸞殿揚聖烈於鳳冊  
其辭曰蕩蕩聖德曰惟睿宗夙正宸極允協萬重監  
撫是專謳訶攸屬三朝克虔萬務參決天縱之英時  
敏于學堯遠倦勤成初嗣服尋遭在疚靡堪多難神  
謨獨運妖氛永斷乙夜思道鳩毒戒宴手札求言虛  
襟納諫務農輕徭明賞慎罰申嚴武備蔚興儒術丕  
顯文謨無競武烈治象之隆邁駿有聲庶幾永年誕



撫隆平德未必壽夢不與齡嗚呼哀哉聖性因心大  
 孝難名喪乎盡禮祭焉至誠尚軫孝思慕切羹牆彌  
 感霜露條屆練祥哀毀寔殷疾疢斯作諒闇未闕於  
 三紀玉几忽憑於一夕嗚呼哀哉履告臺觀望絕穆  
 卜萬歲擬呼於嵩嶽九天奄崩於祀國殷哭雷兮綿  
 區灑淚兩兮長樂嗚呼哀哉殿塵世兮仙遊邈霓旌  
 兮帝鄉委萬乘其若休朝百靈兮何方象設儼兮壽  
 原新龍馭稅兮厚夜長惟至德之在人兮亘萬古如  
 一日山可移兮海可枯聲何窮兮道何缺嗚呼哀哉  
 章順王后哀冊文 世祖壬午

蜃衛宵嚴鶴闕曉關雲旌旖旎以翻風薤曲淒咽以  
 訢月我主上殿下哀少陽之喪耦痛元孫之失慈緬  
 懷真遊增悲襄事 自緬至事八字舊本作緬英 俾稽  
 令典式揚貞儀其辭曰天祚大東弈業重光任姒迭  
 續陰教用彰我聖當宁前星重景贊德少海孰司內  
 政上黨之韓粵維元功載生碩媛載媿青宮地望既  
 高天姿克懿夙夜儆戒罔愆相事思媚中闈徽音乃  
 嗣神靈錫羨慶膺弓韉倣誕文孫輿望攸屬鴻休無  
 疆景命有僕夫何履涉連夕拮微慶聲未罷哀問遽  
 騰條沙麓兮訖祥恍月範兮隱魄悲纏戚里痛結宸



極嗚呼哀哉龍樓問寢鳴盈誰告鳳雛在苞焉知胎  
教披容衣兮如在委仙佩兮若休謝青春而莫返侶  
金母而遐遊香奩閣兮玉臺塵露華溥兮月色愁鳴  
呼哀哉乃卜靈龜乃簡佳辰藝章備舉群儀具陳辭  
祖帳之窈窕兮背鸞殿之罽毼龍驂動兮跼步川原  
繚兮逶遲嗚呼哀哉鬱鬱佳城鈴平之疆青烏告吉  
黃媪儲祥玄宮既闕乃安乃康百靈朝兮肅肅長夜  
深兮漫漫悵宮官之兩泣藹羽翹之空還嗚呼哀哉  
彭殤不齊萬古一致有德無壽孰主張是惟倪天之  
懿範與夢日之遐福托彤管以不朽永傳芳於竹帛

文苑補遺卷二十一 十一

嗚呼哀哉

承文博士  
金宗直製

成宗大王哀冊文

燕山乙卯

素帟將移丹旒已揚于時玉衡南指於天漢金波西  
掛於屋梁九閻洞開萬仗森列三學告闕八神扶躔  
孝子嗣王龍樓之問寢既輟昂湖之攀髯莫追擁踊  
難容祖載增悲仰大猷之在世命詞臣以撰辭其辭  
曰天眷東土篤生我王聖惟天縱德惟日章初從代  
邸入纘唐勳淵乎其仁煥乎其文日御經筵討論典  
墳晝而三接夜或至分幽闈至理洞闢異教餘事才  
藝窮神畫妙敬裡五廟孝奉三宮恩深棣萼慶符蘭

文苑補遺卷二十一 哀冊文 十一



叢事大惟誠禮下惟恭務儉去奢親賢遠佞批鱗勿  
憚讜言樂聽過固無罪善則必賞在虞恤刑在周善  
養意絕遊畋戒存聲色節義是獎祥瑞斯邇仁垂寬  
詔德著好生澤宮大射籍田躬耕累朝曠典一朝增  
光禮鎔樂冶文修武揚弁服怛威窮髮懷德化及飛  
潛恩霑動植國安祚乎磐石民真枕於壽域謂大德  
之必壽何昊天之不吊百姓哀其喪者三光昏兮失  
耀嗚呼哀哉金滕未徵五几乍憑綴衣纔設祀天已  
崩百僚攀踊六宮摧咽抱劍烏而何歸瞻帷衣兮如  
昨嗚呼哀哉帝齡不與仙遊斯迫哀孺慕其崩絕願

靈心兮履殿焚極之宸居乘白雲於帝鄉悵龍顏  
之莫覩儼象衛之空張嗚呼哀哉逝日兮川流啓夕  
兮宵興庭燎誓於鷲闈宮車導乎新陵踏厚地而無  
應仰高天而何訴涕橫流而不止心徒切於永慕惟  
至德之未泯諒沒世而難忘庶鳳冊之可頌播鴻芬  
於無疆嗚呼哀哉

恭惠王后哀冊文 成宗甲午

蜃衛宵陳驚輅曉發銘旌婀娜於酸風黼翼逶迤于  
素月佃雙闕之岩嶢指重泉之幽鬱主上殿下悲良  
佐之早辭悼幽明之永隔爰命詞臣俾揚顯冊其辭

文苑補後 卷二十一 哀冊文



曰天地交泰品物咸亨陰陽迭運歲功乃成后德之  
賢王化攸始夏啓塗山周興渭涘天眷聖朝世有澍  
德溥彼清原韓惟景族弈世載美碩媛乃生來嬪潛  
邸惟德之行內助弘大大命有歸暨陞椒掖克整壺  
儀天子曰嘉賜之寵光鸞誥斯煌龍象有章逮下仁  
覃服澣儉昭齊明夙夜敬承宗祧宴私不形舉禮益  
虔德厚載地道光承乾王化隆於二南毋儀刑于一  
國擬享遐齡永膺多福奈榮衛之暫乖竟大漸而惟  
幾忽皇祗兮喪位俄月御之淪暉嗚呼哀哉痛徹三  
宮悲纏九重哭成雷於六宮淚為雨於群工仰懿範

其何之慨嬰慕而莫從嗚呼哀哉魚軒未駕象服徒  
設粧奩兮香欲歇珩珮兮音已絕愴矣因山厝之有  
日儼帷帟以異行合簫挽以悽咽烟冪樹以增悲雲  
披野而慘色嗚呼哀哉佳城卜吉龜兆協神嗟大隧  
之一肩負厚夜之不晨嗚呼哀哉自有天地孰無終  
始仁未必壽聖無不死唯俛天之至德與儼日之休  
光永百世而不朽托青史而流芳嗚呼哀哉

貞顯王后哀冊文

中宗庚寅

龍攢夕啓蜃駕曉幘離清禁之邃嚴指玄宮之幽閔  
哀子主上殿下哀三朝之莫展悼重泉之永隔命綴



鴻芬載光鳳冊其辭曰圓方配德曜魄齊明聖人是  
象王道以成展我邦媛承事成廟赫矣陽德允資陰  
教爰初降生夙彰倪表天妹入懷芳聞在郅璿式金  
相宜其坤極雅有懿範輔以詩禮葛藟增微蘋蘩闡  
譽思齊思媚是任是妣上承下撫厥成天至栗栗昏  
朝式至今休四訓無爽六行俱修啓茲太平莫非其  
則明以能斷動惟遠識割絕恩愛固我宗圖末命孔  
哲少陽是扶感人即深遐邇悲呼嗚呼哀哉彩淪素  
舒象隕靈婺題湊初備社飯曷又嗟聖衷之罔極兮  
跼穹壤而哀慕日月邁而不居兮風樹淒其霜露嗚

呼哀哉周花甲而加九兮祝春歲而添千撫天時之  
適轉兮傷人事之變遷玉衣兮晨舉蘭殿兮晝陰原  
野兮逶迤樹木兮蕭森卜佳城於鮒隅兮高厚德於  
燕隧百僚悲而雨泣兮三靈慘而雲泣嗚呼哀哉有  
形有化兮萬古一理不朽者存兮天地終始明明澍  
德兮愈久愈彰托芳輝於貞珉兮永百歲而不忘嗚  
呼哀哉

大司諫沈  
彦光製

中宗大王哀冊文

仁宗乙巳

蓬漏報曉鳳幄撤奠龍帷乍褰於朱攬駟馭先駕乎  
翠輦倘清禁之赫弘僚大隧之幽闇百靈風踊兮三



精黯黯萬井雨泣兮二儀慘慘主上殿下歸天長痛  
擗地增感悼三朝之早違怛重泉之永隔爰降綸於  
蘭臺俾揚徽於鳳冊其辭曰恭惟我后聖乃天授隱  
德昏朝陽潛初九天獻昌邑民歸代邸水火一拯乾  
坤再霽虞襟好問尊德樂義排舐異教探疇性理雖  
雖肅肅在宮在廟畏天錫誠奉先致孝昭儉惡衣素  
禮必紀躬籍邵農親射造士從諫弗啼任賢不貳懼  
災修行恤荒弛禁聲色視芥宴安戒鴟唐族既睦虞  
刑協中文物周郁官儀漢隆撫億兆衆垂四十年金  
科燦若玉燭炳然禮鎔樂洽道洽政成三陸既安六

階已平勅天有歌順帝騰謠方者鳳來之呈瑞遽聞  
鶴語之告妖棄珪未卜其罔害憑几俄驚於不興慙  
虞泉之日落痛祀國之天崩嗚呼哀哉瀟敷茂席庭  
出綴衣塵棲玉座霧鎖金扉仰珠旒兮何在瞻黼宸  
兮如疑悵九齡之不與傷五月之有期嗚呼哀哉天  
作蒿里地闢松門卜此佳城于彼禧園何嫌燕隧之  
異域尚喜龍岡之同原想化劍於瑤津兮共賞花於  
玉欄日宮兮深閉雲幄兮空還嗚呼哀哉宮門曉開  
庭燎初設羽葆戒嚴黼翼催發斝玉斝而告遷幃龍  
輜而就祖都人寄怨於抱弓聖情茹愴於履露嗚呼



哀哉有形有化古今一致聖之生也亦有涯仁者壽  
兮竟難倚雖大暮之同寐惟令德為不朽托翠珉以  
傳芳配蒼穹以同久嗚呼哀哉

右詞承旨  
崔演製

中宗大王改封陵哀冊文

宣祖癸巳

萬曆壬辰倭奴陷王京越明年禍逮園陵至迫玄宮  
有不忍言者嗚呼痛哉夏寇退秋八月十五日丙申  
始克再修廢儀禮之變也日月兮冥迷風雲兮黯黯  
晨衣兮莫覲玄窻兮坎坎緬遺弓兮昔年慟仙輶之  
再戒庶體魄之永安冀千秋兮萬歲

章敬王后哀冊文

中宗乙亥

敬殿宵啓蜃駕曉幘階徹賓奠延卷容翟離椒禁之  
邃嚴指玄宮之幽閭主上殿下悲長秋之莫御悼重  
隧之永隔乃命下臣式揚顯冊其辭曰二儀相資兩  
曜並行聖人是象王道以成媯汭興虞闕雖啓周於  
赫我聖舜文與侔溥彼瑞原實生碩媛文定厥祥惟  
德之遷坤極正位海隅同慶慈善存心幽閒成性雅  
意禮學聰明天得芳猷蘭郁睿問淵塞思媚東朝夙  
夜盡敬問寢執養蹈和履正鷄鳴申徽罔及于政抑  
損外家屏絕干請樛木速下葛覃無斃俾我王化始  
基壺掖星軒增潤少陽兆輝夢蘭果信彌月不違吉



文苑叢書 卷二十一  
二  
語方騰歡聲四彼謂宜萬年永膺多祉理難入詰善  
莫天與賀表初拜凶儀忽舉象服徒設總帷旋施因  
山既卜即窆有期嗚呼哀哉再歲壑而非固兮駟過  
隙而難追良時宛其如舊兮大運倏其潛移嗚呼哀  
哉衡總兮滅容環珮兮淪音簫挽兮攢咽羽葆兮結  
陰出青門兮于邁瞻紫闥兮漸遠幽坎愴兮一扁厚  
夜漠兮不朝嗚呼哀哉自古及今兮孰生無死不朽  
者德兮天地終始然見而之在人兮恐愈久而寢忘  
托堅珉以紀錄兮與鴻休而共長  
司諫李  
若製

仁宗大王哀冊文

明宗乙巳

簡辰奄屆遣車再廢仙仗移簇羽衛成林百靈歎歎  
而奔走兆姓號咷而摧隕望珠丘兮漸通聆玉漏兮  
易盡主上殿下重憂斯棘百罹仍酷慟龍鬣之莫攀  
仰雲馭兮何及顧徽音之在世藹聖功其可傳俾掄  
揚以彤管爰布昭於瑤鐫其辭曰宜無間然烝哉仁  
宗惟天為大曷得形容教自胎正德由誠明典念惟  
學緝熙彌精久任青宮化隨身行戒存屋漏效著燕  
閒四勿箴屏一德銘盤三朝率禮百行源孝蓋出天  
性非假音貌因心則友求救原隰洪惟其順實由既  
翕禮遇賓僚告戒必書踐履愈密至德純如天故生



文苑補遺 卷二十一  
二  
之若將保佑云何不吊禍延榮瘁喪嫵漢短哭踰膝  
哀却益歎粥黍心難回雖迫與情勉承大寶諒陰恭  
默斬焉在草凝思賢輔夢與天通不改父臣言則乃  
雍為治慕古俗論莫撓庶福我民以壽以飽方大明  
之初昇遽潜曜於虞淵嗚呼哀哉三代以降聖學罕  
傳士或有得人主蓋闕卓百王而獨契摠萬善以澳  
發既真知而力行備高明而精微始以聖而布天終  
浩浩兮同歸丕責克盡其君師王政佇隆於皇極嗟  
大德之雖敦奈偏邦之無祿嗚呼哀哉天心靡悔邦  
禍荐集何多難之未堪而大喪之又孰問孝誠之不

終斯致庠於末命人間雖切於永慕天上獲侍於列  
聖嗚呼哀哉天作壽原孔邇先寢聖意所嚮允協龜  
諡去堯階兮已遠向禹穴兮將封即長夜兮萬古錮  
玄泉兮三重遺衣冠兮永秘種松檜兮未拱吉仗空  
還兮猶掩翳舊臣共辭兮徒踴踊嗚呼哀哉數故不  
齊理或難諶九齡未效於周夢百代空傳乎堯欽深  
仁雖待於必世神化亦行於期月惟聖德至善之不  
能忘兮永有浹於心骨並天地而長存樹宗社於不  
拔嗚呼哀哉  
禮曹正郎  
李洪男製  
仁順王后哀冊文  
宣祖乙亥



雕攢啓扉黼嬰引路體尊纒撤於瓊筵駝馬已駕於  
蜃輅哀子主上殿下痛切攀踊悲深摧慕瞻羽衛兮  
無及顛穹壤兮罔極顧蘭臺而降命鑄玉字而頌德  
其辭曰天監我東代出碩媛壹政繼飭協配元青  
龜遙緒慶隆三葉實司陰教用就王業於昭文母嗣  
其徽音于歸代邸思媚太任稟質貞靜秉心柔順睿  
聞夙播休聲隨振逮踐中闈祗奉兩宮猗歟嬪則藹  
然和風紘紵服勞葛藟推惠鷄鳴會盈動存訓戒仰  
惟先王早撫丕基憂勤庶事內治是資開我熙運莫  
非其效屆茲晚年前星掩曜克贊大慮豫簡宗英永

言付托得賢以明禮陟伊始衆情憂虞洩舉密命式  
鞏瑤圖國祚有承神器不搖旋垂薦帷暨管機要發  
政施仁洗冤起僵深形冲挹亟釋權綱母儀既尊謙  
德彌彰擁佑聖子拳拳仁愛勉進治道必稱堯舜巍  
巍長樂儷美懿殿吾君孝思問寢視膳三朝無違四  
方咸仰降福孔穰庶其多享何期一疾遽至帝鄉曾  
沙訖祥靈婺淪光嗚呼哀哉壽宮寥廓武帳淒涼梧  
捲餘澤翟第寒香會飛龍於鼎湖委珩珮而徘徊五  
欄之花已折金根之車莫迴嗚呼哀哉宸遊終闕德  
音長往周宇纏悲倚廬茹愴傷時序之易遷條寢園



之入望仙仗兮將發社飯兮難再懷神御兮不忘親  
容衣兮如在嗚呼哀哉鮒隅卜阡龜兆食墨松門鬱  
蕊栢城幽閭離清禁兮日已遠即玄隧兮夜何長愁  
雲暗鎖於象設淚雨全濕於龍章三精改度而慘慘  
萬姓失慈而皇皇嗚呼哀哉陰陽迭運脩短靡常胡  
仁不壽視天茫茫賴彤史之尚存續遐烈而傳芳齊  
厚坤以並久彌億載兮無疆嗚呼哀哉  
吏曹佐郎  
許錡製

宣祖大王哀冊文

光海戊申

寥廓惟我主上殿下躬扶畫擗孺慕血泣驚脫屣之  
無迹慘遺弓之莫及念因山之定制痛威顏之永隔  
爰徵徽於麟牒俾傳芳於鳳冊其辭曰三徽固社五  
曜凝祥橫庚叶吉應運斯昌出潛繼照負宸當乾化  
溢繇區溥博淵泉堯文舜哲禹儉湯敬純粹內葆英  
華外炳大本既立衆善兼括玉振金聲準平繩直首  
闡儒教躋茲適埴野接翹輪士豈懷璞排去異端統  
壹正軌表章典紀昭示勸勵廣廈細繩討論咨訪察  
納忠謹滯雪幽枉庶政咸新成憲是做孝盡蒸嘗誠  
竭匱匭敦禮興讓礪廉去侈臯不收孥賞則延世重



農扞災詰戎備豫提挈維綱斟酌權經民安惠鮮神  
彼明馨日月貞觀動植俱茂四紀宵旰一心祇懼宗  
紈受誣百年未改至誠攸感寶典始賚彝倫乃叙璿  
系得全緘彼卉夷惡稔射天秉義斥絕敷奏克虔國  
雖沾危侯度罔愆父母孔通濟師來援兇鋒竟燿西  
綽回轅倉卒機衡訂謨素定雷厲電掣制煩以靜噫  
噓噢咻萎賜膏醒太陽更中周宣漢光身致匡復慮  
猶苞桑粵在搶攘付托元良協贊貳極迄于再造邦  
命維新游膺鴻誦澤洋恩普海隅丕冒方拭目於重  
恢謂河清其庶幾忽剝鼎之告鑄悵駸御之將飛鳴

呼哀哉惟有德焉必壽僕无妄之勿藥儼九門之朝  
闕喜睿疾之少康纒綸言之下降奄末命之導揚夢  
齡誰驗司造成或嗚呼哀哉玉几乍憑綴衣遽設形  
靡敵曉仙仗寡色披袞繡兮如昨委劍舄兮疇御乘  
紫氣兮遐舉緬碧落兮何所桂影涼兮瑤殿白雲擁  
兮玄堂嗚呼哀哉瞻馳暉之嚮晏愴頽序之易央瞻  
象衛之前陳眺蜃儀之終逝哀瓊學之夕薦忍綃幕  
之最啓臨石馬之冥途顧綺城之舊轍平原萋兮透  
迢遙渚澹兮嗚咽闕宮兮晝扃旛旒兮空還隧坎兮  
沉沉厚夜兮曼曼嗚呼哀哉物皆泳於聖涯人自迷



於帝力巍巍冠古之行蕩蕩難名之烈後黃壤而長  
存際蒼穹而無缺嗚呼哀哉

知中樞  
申欽製

懿仁王后哀冊文

宣祖庚子

素衛宵嚴玄堂曉闢階撤祖筵仗移仙幄我主上殿  
下臨鑿輅而夜燠睽鳳翼而驚神痛長秋之永閏悲  
厚夜之無晨載揚徽範俾列貞珉其辭曰天眷我東  
代光休命刑家以邦閏闈最正任姒繼作迭闡陰教  
協贊聖治肇茲王道蒼彼錦城山明水麗凝精會泐  
篤生聖女崩沙表慶夢月騰祥毓德名門爰嬪于京  
芳襟蘭郁玉度淵冲位正星軒化始媚宮承乾稱大

配日為明壺政肅雍坤儀順成躬先恭儉志絕嗜好  
兩殿朝夕一心誠孝服禮範外推仁逮下戚婉戒私  
宮闈飲化恩覃樛木稱頌不絕慶繁麟趾慈愛無間  
河洲詠播三十餘年名增顯踰振後光前嗚呼哀哉  
昔遭險釁駉馭西遷倉皇闕塞帳殿頻移艱難顛沛  
蓋戒持危念存祛弊恩常及物深仁厚澤浹人肌骨  
翟第初旋都民聳觀三辰再炳二聖重歡憂虞甫釋  
慶福方綿詎意降割而不少延觀臺告稷八頌扁和  
桂曜淪精椒塗掩華萬姓兩泣百靈風踊慟連窮谷  
悲徹層霄嗚呼哀哉行宮天邃別殿雲虛規窈脫簪



諫阻陳書結宸悲於黼宸推衆哀於班紳瑤池遠兮  
 環珮斷璿閣閉兮巾帷塵嗚呼哀哉因山既卜龜筮  
 協辰禮陟有期仙馭將賓誓庭燎兮殿儀鏘楚挽兮  
 催晨霜颺起兮宮樹冷玉露淒兮羅幃寒覽芳菲之  
 易歇驚節序之已闌嗚呼哀哉佳城天設壽原坤寧  
 珠丘福地金粟名岡安精英於上清謝塵氛於下界  
 神庭寂兮泉夜深隧路陰兮山扃閉杳乘雲之莫攀  
 極遐情於天際嗚呼哀哉仁而不壽彼蒼難恃茫茫  
 此理孰主張是惟至德之在人托彤管而不朽佐鴻  
 祚於百世流芳聲於永久嗚呼哀哉

戶曹判書  
李廷龜製

仁穆王后哀冊文

仁祖壬申

畫擯初啓殿儀已列鳳旒揚蕤龍輶戒轄苦霧凝而  
 慘慄晨飈助其淒切哀孫主上殿下攀踊莫逮摧慕  
 彌新悲長秋之永闕痛厚夜之莫晨載命彤管俾續  
 芳塵其辭曰於赫熙朝修齊化成寔天作合壺範繼  
 貞曾沙毓靈婺曜垂精篤生碩媛配德聖明樂存鐘  
 鼓度昭金玉服禮飭躬陳詩正則絃絃罔缺締綌綌無  
 數賴茲陰教益光乾德運鍾陽九身丁百罹蒼梧駕  
 遠斑竹淚滋康回憑怒絕我坤維金墉一銅大隧誰  
 窺鬢髮無賴取燻見殯哀哀父母戚戚兄弟彛倫墜



地國命旒綴一紀茹痛荼甘如薺天道循環神孫奮  
義西宮啓鑰東朝復位武帳發命玉牒歸美再享母  
儀肇修人紀慈孝無間尊榮兼極備物致養舍飴自  
適太和隆洽五福敷錫岡陵之壽兆庶同祝馮相告  
祿太史占凶虹纏挂魄火入軒宮美疾忽嬰俞盧技  
窮颺馭不留星塗長終厚祇震塌慈雲歛空萬彙錯  
愕三光闇嗚呼哀哉天心難問神理疇詳仁未必  
壽善或不祥三朝之榮享無幾十載之幽厚何長殿  
塵世之積蘇託真遊於混茫尋王母於瑤水問天孫  
於銀潢賞玉欄之天葩幽聚窟之異香嗚呼哀哉一

人孺慕千官泣血黼座撤為倚廬珠旒變以麻經委  
仙佩兮若休儼靈衣兮虛設月閣高兮淒清風簾響  
兮蕭瑟違天居之肅穆踐霜郊之喘噪去復去兮乘  
雲行悲莫悲兮終天訣嗚呼哀哉白虎騰精青烏協  
卜銀海深深珠丘矗矗憐九疑之孤墳幸三陵之聯  
麓同香火於寢殿擁象設於空谷知幽明之一理感  
精爽之不隔嗚呼哀哉玄造無窮短生有涯一氣屈  
伸品物同歸孰長存於悠久唯德音之罔虧雖靈質  
之潛翳尚徵信乎書詩託琬琰以載烈並汗青而昭

垂嗚呼哀哉

史曹判書  
張維製



仁祖大王哀冊文

孝宗 己丑

龍輅既駕鳳幄將空背此丹闈即彼玄宮霓旌颯兮  
颺風薤曲淒兮響月千官雷哭兮擁紼百靈雲從兮  
扈蹕惟我主上殿下崩賜戚容叩心血涕慟三朝之  
永違慨五月之有制况威顏之若侍奈飈馭之靡逮  
降綸音於九閭播令聞於億代其辭曰天眷大東聖  
神繼作赫赫重光綿綿寶曆猗歟我后應運誕出玉  
潤金剛龍章鳳質如堯之仁如舜之哲英明炳外孝  
友植內瑞雲潛鬱玄德久晦時丁否運禍劇金墉骨  
肉是夷慘佞是崇三嗣墜地國勢將覆天心改圖神

器有托群髦奮義奉戴神孫西宮啓鑰母儀重尊彝  
倫迺叙太陽拜中宣光明哲周漢興隆克造就芟耆  
老是賓林無滯材海無遺珍尚儉祛侈旌忠雪冤蠲  
苛恤瘼泣辜垂仁化此弊俗歸之至淳尊崇彌廟肅  
恭明裡墜章克舉缺禮斯全孝深率祖誠竭畏天重  
溟雖遠侯度罔愆誰知此哨奄及近甸危甚七日勢  
迫三版事已至此非權莫濟屈志紆難宗社之計前  
星晦彩主鬯其誰擇嗣惟賢誰我敢私一國係望萬  
世恢基又冊文孫永固宗祊二紀端臨百度惟貞化  
被八方德侔三王方祝笙於岡陵忽蒼穹之降割痛



五衣之遐舉幸因山之襲吉嗚呼哀哉天道冥冥理  
不可究孰謂大德必得其壽欲攀髯而何從徒抱弓  
而增傷萬品錯愕兮無色三光闇普兮失晶嗚呼哀  
哉黼座兮淒涼靈帷兮窈冥虛陳象冕徒設几烏儼  
平昔之威儀尚朝謁之如昨哀孺慕之戚戚慘麻經  
之累累既問寢之無日空叫天而莫追嗚呼哀哉階  
奠屢變寒暑換節玉露兮團團金飈兮淅淅彤庭閔  
兮桂影寒絃幕窈兮蟲聲苦驚顛序之易闌悵真遊  
之已阻瓊華兮夕薦畫擗兮晨發去復去兮何所悲  
莫悲兮長訣嗚呼哀哉睠彼長陵佳氣鬱葱牛眠象

設水復山重是珠丘之福地盍遵命於今日聯玄隧  
於一麓共香火於寢室肆陵踊之仍舊作萬古之真  
宅知幽明之一理儻精靈之不隔嗚呼哀哉流景無  
停大名不昧勛華雖逝二典尚在惟蕩蕩之盛德與  
巍巍之躋烈託琬琰而長留並天地而罔缺嗚呼哀

哉藝文提學  
金光煜製

仁烈王后哀冊文 仁祖丙子

祖庭既撤殯幄將空三宮雷哭百靈雲從酸風射兮  
哀輓嘶晨露泣兮明旌濕宮車莫攀隧路奚及主上  
殿下提甲念功故劍嬰情聞鷄鳴而追感撫翟茀而



增傷式稽令典俾揚休聲其辭曰鬱彼西原沙麓儲  
祥篤生聖女母儀東方章安配睿恭惠翼成襲美重  
光儼日作明宣祖之季惜座興歎俾相神孫思求碩  
媛惟我王后應時載誕爰膺鈔簡允孚世選來嬪潛  
邸寔為好逑淵冲玉度澍慎芳猷雍容內則敬謹尊  
章承歡長樂徽譽昭陽國丁否運禍烈金墉倫紀晦  
熄乾坤闇魯宗社綴流黎元塗炭帝心改圖玄德在  
簡英謀內贊十亂於一六龍時乘黃裳元吉前星燬  
曜麟趾騰歌家邦胥安小大咸和尊榮壺極十有三  
秋閔睢樂只振古無儔云何一夕災氣奄臻靈臺告

侵太史書氛就甲觀之畫堂兮施百子以祝慶俄陽  
祿之罹灾兮痛一日之無命寢闈未復仙輶遽昇胡  
人事之不良亦天數之難更嗚呼哀哉露晞朝葉舟  
移夜壑龍輻一駕壽原長隔水含悲而出谷山帶慘  
而連峯松風鳴兮寶瑟漆燈暗兮銀缸異平生之起  
居非昔日之音容嗚呼哀哉桑壇兮草沒蘭館兮生  
埃玉衣兮虛設金屋兮誰開纔騰雪之皚皚倏梅兩  
之霏霏寧少觀於月殿詎薄遊於瑤池望白雲兮已  
遠留彤管兮餘悲嗚呼哀哉珠丘允滅栢城洵美玄  
龜協卜錦囊彈技發天慳與地秘紛鳳舞而龍盤粧



三才補遺 卷二十一  
三十一  
畜歛於泉壤珎珎翳於丘山排烟鬢而列侍託富媪  
而全安嗚呼哀哉盈虛消息天道之經流川不歇逝  
日無停嗟人生於宇內兮孰等久於岡陵惟德音之  
不昧兮共蘭茝以彌芳敢述哀而賦遐兮垂萬禩以

無央嗚呼哀哉

大司憲金  
尚憲製

莊烈王后哀冊文

肅宗 戊辰

敢殿告開葆儀成列靈寢既收祖筵將撤違三世之  
長樂就一丘之佳城宮闈闐兮曙色嬪御吡兮雷聲  
惟我主上殿下悲慈顏之永隔痛孤影之靡恃攀龍  
輻而摧隕睠鳳翼而涕泗思揚徽而詔後命彤管而

記事其辭曰緬惟華罔系出漢陽沙麓徵異月虹夢  
祥聖誕香室天啓玉冊恬恭塞淵夙著令德仁祖壺  
缺翟儀重新繼譽元后配文中身樞機慎密天只所  
歎外內斬截私謁罔干一紀坤承奄遭大戚虞巡莫  
追湘淚在竹光陰易改哀樂相仍翼安孝廟扶護崇  
陵有道曾孫續崇禮養自處未亡常存謙讓念軫飢  
民不惜捐蓄恩洽姬使猶嚴嫉惡海屋添籌星齡回  
甲慶澤川流歡聲地匝三朝進踊寶琰增章再歲呈  
宴蟠桃侑觴擬萱草之長春嗟蓬流之遠淺繞寢宮  
之告災又軒宿之示變積哀疚而違虛經夏秋而彌



留湯燭並施而茂效珪璧再舉而未瘳竟至誠之爽  
感神理錯兮難求嗚呼哀哉姜妃匹周光贊中興高  
后配宋女堯有稱猗歟聖母兼此兩美茲受天佑永  
享繁祉六旬五之遐筮望貞顯而垂及十四字之徽  
稱追貞熹而幾叶稽今古而罕覲實有光於往牒嗚  
呼哀哉靈辰已屆吉仗初移神行肅穆郊路逶迤珠  
襦兮誰御鏡奩兮已空桂宮晦兮殘月仙漏咽兮悲  
風颯輪條其上昇定有去而無歸歸遺殿之獨存報  
無路於春暉瑤池邈兮玉馬響銀海深兮金鳥飛追  
宓妃兮并媧后樂萬歲兮應無違嗚呼哀哉鬱彼新

岡聖祖之側四陵環圍百靈呵辟儼虬蟠而虎踞曾  
地秘而天慳諒有待於今日庶體魄之安安豈鮒隅  
之云遠幸密邇於先靈在左右而降隲鞏國基於千  
齡嗚呼哀哉雲祖水逝大運不息石山生塵夜舟藏  
壑盈虛之數難革代謝之期莫遷終歸盡於冥漠雖  
大聖其亦然惟芳猷與哲範亘穹壤而不朽謹述哀  
而刻珉期垂耀於永久嗚呼哀哉

大提學南  
龍翼製



文苑黼黻卷之二十一

二十一

文苑黼黻卷之二十一

文苑黼黻卷之二十二目錄

哀冊文二

孝宗大王哀冊文

仁宣王后哀冊文

顯宗大王哀冊文

明聖王后哀冊文

肅宗大王哀冊文

仁敬王后哀冊文

仁顯王后哀冊文

仁元王后哀冊文

文苑黼黻卷之二十二目錄



景宗大王哀冊文

端懿王后哀冊文

宣懿王后哀冊文

英宗大王哀冊文

貞聖王后哀冊文

真宗大王哀冊文

孝純王后哀冊文

懿昭世孫哀冊文

文孝世子哀冊文

文苑補遺卷之二十二

哀冊文二

孝宗大王哀冊文 顯宗已亥

玄堂既治素幄將撤鳳旒揚旌龍輜戒轄違天居之  
 肅穆就祖道之逶迤千官奉紼而爭趨八神警衛而  
 載馳天地為之慘悽風雲助其悽切惟我主上殿下  
 叩叫摧心攀擗泣血結長悲於厚夜痛永訣於終天  
 肆降志於重哀俾紀錄於新編其辭曰於昭上穹眷  
 茲東土篤生我后受命仁祖越在朱邱玄德夙彰白  
 氣神龜前後呈祥聖資和粹英猷宏大仁聲仁聞協



于中外逮至西轅亨以處困殷憂增益九年乃返謳  
歌攸屬遂正儲位精一相傳弗參弗貳文齡遽減武  
烈丕承治仍法堯禮則過滕勵精圖理克勤無怠顧  
謨明命夙夜寅畏曰兩曰暘禱輒有應軫恤黎元以  
濟以拯德洽好生誠切迄辜念囚平讞獄無枉誣恩  
推及老政先惠鮮常徭旣輕正供亦蠲躬率以儉務  
祛華侈化始宮闈衣不曳地剗制酒醴同禹惡旨屏  
去聲色齊湯不邇太廟蒸嘗祗爾齋潔寢園春秋親  
行展謁東朝視膳志養無違侍藥之日天鑑虔祈萬  
壽開筵和氣為春情深友于益篤天倫大衾長枕至

樂斯在欲貴欲富邁舜親愛夢感鵠原哀動絲綸視  
孤猶子先教是遵出天之行卓冠古辟雅尚儒術日  
御筵席討論經傳闡發淵微本之一心措諸萬機光  
明緝熙道積于躬典學之念無間始終陰雨綢繆留  
心克詰策將勵士殿前親閱恩撫備至教訓有方出  
入坐卧志豈嘗忘禮遇臣隣見善必褒豁達開襟顛  
倒英豪推誠納諫四門洞闢芻蕘亦採言罔攸伏風  
勸一世澤及旣骨忠無不旌有寃則雪側席求賢實  
自初政登崇俊良東帛交聘郝兪一堂治具畢張從  
周行夏薄漢陋唐十載端臨惟日孜孜鴻圖遠畧將



大有為何皇天之不吊遽中途而上陟豈此痛之可  
窮與穹壤而靡極嗚呼哀哉昔疾纒瘳慶溢宗祊大  
德必壽方祝無疆佇羽旄之欣瞻奄宮車之晏駕民  
如喪乎考妣紛雨泣於四野嗚呼哀哉寶宸兮已空  
天香兮未歇劔舄猶陳帳殿虛設况玉音之若聆儼  
威顏於咫尺嗟列侍之盈庭異朝儀於平昔嗚呼哀  
哉一人宅憂五月居廬孝思不匱禮備無餘仰深墨  
之滅容慘纍然之麻經顛九天而莫間奈三朝之無  
日嗚呼哀哉日月幾何寒暑易換團露兮下砌淒風  
兮卷幔宮梧凋兮玉宇寒仙漏催兮金壺咽杳乘雲

兮行天悵颯馭之倏忽嗚呼哀哉鬱彼新岡鳳舞龍  
騰瞻依聖祖密邇諸陵實天作而地濺繫山明而水  
麗異既著於牛眠吉且叶於龜筮寔聖人之真宅信  
得一而以寧儼象設於千齡長護呵兮百靈嗚呼哀  
哉真遊不返至澤空留花應賞於玉欄雲自愁於珠  
丘惟聖德與偉烈並海嶽而高深敢慕天而晝日聊  
永眎於來今嗚呼哀哉

大提學李  
一相製

仁宣王后哀冊文

顯宗甲寅

攢寢啓塗雕輶肅軻犧尊已撤蜃衛徐引指玄宮之  
宵冥去紫闈之崇峻哀子主上殿下孝思罔極孺慕



莫逮哀徽音之永闕痛春暉之遽翳命慕盛美垂眎  
來裔其辭曰方祗承乾圓舒配陽若稽賢媛寔助興  
王傳稱蜀塗詩詠任姜於昭聖母眎古有光曾沙炳  
靈婺宿儲祥誕毓法門襲訓詩禮乃膺睿簡作嬪宗  
邸儀度玉溫德性天啓居玩圖史動循珩珮履正思  
順勉勉無替伊昔先王遠適朔漠坎險能亨殊俗攸  
服儆戒相成式資懿則纒返北轅旋陞貳極翼翼孝  
敬亶亶令譽思媚大朝宸心嘉豫大明繼照中壺正  
位爰聽女順聿宣內治正已率下端莊齊飭宮闈肅  
穆私謁屏迹王政攸本芳猷孔昭漢練崇儉齊鷄報

朝母育黔黎澤及肖翹十亂齊稱二南興謠賴茲陰  
教以贊雍熙一十年間風行化馳鼎湖遺弓震索承  
基長樂含飴顯冊歸美愉色承顏備物養志猗歟聖  
孝至哉慈仁和氣薰融景既來臻岡陵之祝率土惟  
均書雲告稷美疾痾留冀勿藥之有喜佇翌日之乃  
瘳既並走乎群望將咸宥乎要囚而靡極之不用奈  
降割之斯遄俄星筮之長終倏雲輶之上仙萬彙盪  
而損墜三光晦而失躔嗚呼哀哉一人在茲群生何  
恃迺聞仁壽莫謚神理掩總帷之愴愴設容衣之被  
被襲脩夜兮不暘杳真遊兮焉之寧紆轡於湘浦詎



弭節乎瑤水凭玉欄兮賞花遺塵世兮脫屣嗚呼哀  
我日辰其良廢儀將發曉闢魚鑰雲從鶴列雜清蹕  
於哀挽間彩旂以素紼義曜薄以晡曖炎序變而蕭  
瑟出都門兮逶迤踐原陸兮喘嗅悵乘雲兮不復返  
如喪妣兮便永訣嗚呼哀我瞻彼黃驪鳳舞龍翔山  
川洵美風氣允臧接灤水之新封開暖穴於一岡同  
原廟之精禋薦黍稷之馨香神如在而罔恫儼陟降  
之洋洋嗚呼哀我逝川不停隙駟易驟有生必終猶  
夜與晝嗟賢聖之同歸孰金石之等壽惟厚德之載  
物民追慕於永久續思齊之舊章并汗青以不朽嗚

呼哀哉

大提學金  
萬基製

顯宗大王哀冊文

肅宗甲寅

總幄纔撤畫擯初啓翼揚彩旌輦飭雕鞞背丹宸之  
肅穆指玄扃之宵邈曉風淒而淅淅愁雲凝而漠漠  
恭惟我主上殿下威容深墨累然衰絰疚心孺慕呼  
天泣血攀弓劍兮莫逮念羹墻之架篤爰徵徽於璇  
牒俾揚烈於寶冊其辭曰猗歟皇考仁智天錫生知  
睿哲克岐克幾聖祖竒愛眷撫之敦冲年錫號在周  
文孫逮升貳極聲聞益彰禮備三朝頌騰重光夢齡  
莫驗奄罹創鉅訓承精一誕膺丕緒招賢籲俊繼志



述事薰陶涵養講廟義理溫言玉色不疾不遽大本  
既立庶務畢舉孝思不匱兩宮愉悅奉先以誠紀事  
咸秩排黜異端丕闡儒化毀撤尼宇葺成黌舍推不  
忍心行政以仁如天覆燾與物為春躬率以儉惡食  
菲衣常供亦減國以之肥念軫稼穡蠲免田租視民  
疾苦若恫在膚政先賑貸惠均流殍發棠移粟粒我  
億兆惟刑欽恤明慎讞議無寃不伸得情勿喜優老  
之典遍及臣庶歲時之饋乃魚乃醑表章六經斯文  
在茲頽風可振士氣不衰增飾貞陵禮祔太廟闕典  
斯舉于先有耀移灤叶吉實獲神佑誠之所感德歸

於厚暮功定制宸斷決疑始終無憾儀文得宜器使  
群工嘉納忠言敦叙九族而絕私恩淵冲海涵寬裕  
容物顯忠遂良砥行礪節師湯不通同禹惡旨務從  
省約屏斥華美綢繆備豫志未嘗忘憂勤肝宵提絜  
維綱咨諏是急不遑將攝弛張合則事益明習當春  
秋之鼎盛大有為於陶甄何皇穹之不吊而降割之  
斯偏嗚呼哀哉今歲之春聖母先陟憂居諒陰痛切  
荼毒疾寔由於哀毀醫莫效於神技靈蕃罔吉於納  
滕末音忍聞於凭几嗚呼哀哉筓席重敷綴衣斯陳  
黼座如昨威顏隔晨瞻象魏兮依宛望龍樓兮奠聞



鑄丹鼎兮已成乘白雲兮安適嗚呼哀哉宮車兮晏  
駕靈辰兮不留森彤庭兮羽衛緬碧落兮仙遊銅壺  
咽兮漏水催寶紉颺兮霜霰集擁百靈兮風謠紛萬  
姓之兩泣嗚呼哀哉鬱彼崇岡龍盤鳳舞衣冠攸歲  
密邇皇祖理幽明之無間悅陟降之如在寔天慳而  
地獻信效靈之有待嗚呼哀哉彭殤不齊仁壽奚徵  
玄理莽茫此痛難勝惟積慶之無疆綿本支於百世  
願聖德之輝光窮宇宙而不替嗚呼哀哉

明聖王后哀冊文

肅宗甲子

知中樞李  
殷相製

而卷綸工祝雷哭而撤奠哀子主上殿下攀踊切怛  
瞻望漣洏寄永慕於寒泉結長悲於春暉命彤管而  
撰德載玉牒而揚徽其辭曰書始虞嬪詩首閔睢聖  
王有作內治是資於赫聖母眡古有光墮玉表靈啓  
繇告祥載毓相門作配貳極禮法有素貞順合則三  
殿胥悅六宮咸慶禹明繼照壺位嗣正婉孌端莊溫  
恭澍慎歲規唐鑑彼服漢練歲在攝提痛纏天崩主  
少國疑禍亂將興密贊君道潛扶國祚太任隆姬宣  
仁佑趙光享備物尊膺顯跡猗歟聖孝至矣慈教云  
胡一夕害氣震薄彩暎軒宮精淪桂魄颺輪條其上



并星筮促其長終諒仁壽之無徵果神理之難窮嗚呼哀哉客歲冬孟丕子違疾齋沐祈天厲虐如脫喜氣溢於宮闈歡聲匝於區域指明春而差日將獻爵於長樂何吉凶之互錯樂未遠而哀近輟謠歌而蹕吡停管絃而簫挽嗚呼哀哉一札遺教丁寧後事念切民隱憂深國計內具紛冒外省饋食無擾有司不傷經費以寧儉而作範雖預凶而合禮嗟仁聲兮入人深詠德音兮終百世嗚呼哀哉靈辰既屆殿儀將發一人孺慕千官灑血背紫闥而徐轉出青門而瞻顧珠丘矗於壽原銀海深於隧路白日黯以悽慘朱

明颯以蕭瑟去復去兮乘雲車悲莫悲兮遺仙訣嗚呼哀哉瞻彼維揚聖人所藏合祔後周卜云其臧及帝舜於蒼梧隨顓頊於大荒並薦獻於一寢兼象設於同岡知幽明之無間豈精爽之有隔想玉欄之看花儼平生之和樂嗚呼哀哉流年若箭大運如馬一氣屈伸萬類代謝同歸盡於百年較脩短其幾何唯聖善之未沫與博厚而無涯縱靈質之永潛尚芳塵之可讚托哀辭於琬琰期永久於爛斫嗚呼哀哉

政南九萬製

肅宗大王哀冊文

景宗庚子



靈辰告期清漏報曉龍旌乍褰駝馭戒道蜃衛森其  
成列雲旌飄以前導背黼筵之靚穆指珠丘之岩嶢  
慘萬姓之雨泣儼百靈之風踰惟我主上殿下崩心  
摧肝叫天擗地欵日月之不居緬威顏之若侍爰降  
綸於蘭臺俾揚徽於玉宇其辭曰於赫我后天錫睿  
智出震正位承乾順紀文經武緯金聲玉振德盛治  
臻不自暇滿孜孜延訪衣宵食旰推誠禮賢大闡儒  
教邪正之辨皎若燭照政先恤孤孝推敬老化本朝  
廷濟濟興讓共理惟良輒加勸獎明農扞災儲財恤  
歛賞諫旌直去奢昭儉改過革弊雷厲電掣邦內乂

安年垂五十化行俗美庶幾禮樂謨思貽燕志先繼  
述祖宗未遑次第行之元陵加謚尊王弘規端廟追  
復有光前烈壺儀復正皇壇躬設乾坤位定春秋義  
明徽彌之上謙讓以誠耆社之臨寔循祖武昭代美  
典太平盛舉表獎先正聖應殿食宋朝六賢班視十  
哲斯道增光前史罕覩堯仁倦勤命嗣監撫丙申有  
戒是非曰定通喪復古誕有治命漢唐陋制一洗歸  
正允厥施措踔古誰併仁者必壽萬年斯祝云胡一  
疾久靳勿藥宗社山川靡神不虔嗟元龜之罔效奄  
末音之已宣驚虞淵之日沉痛龍髯之莫攀嗚呼哀



我筭席重遠綴衣肆陳金薤露冷玉座塵昏仰珠旒  
兮安在乘紫氣兮遐舉嘅五月之定制怛三朝之餘  
慕嗚呼哀哉壽原前卜先天不違龍阜協吉象設準  
儀軒玉輦而告遷出都門兮逶遲澹仙仗之寡色僚  
大隧之幽闇三精兮黯黯二儀兮惓惓重雲兮漠漠  
厚夜兮曼曼歎劔鳥之終闕悵旛旒之空還嗚呼哀  
哉有形必化聖允一致夢九齡之無驗邈天道之靡  
恃雖大暮之同寐允不朽於永世蕩乎其大德之難  
名巍乎其大業之難叙徵青編兮遺範配穹昊兮終  
古嗚呼哀哉

藝文提學  
鄭澐製

仁敬王后哀冊文

肅宗辛酉

丹階輟祖素衛陳行龍輻儼其宵載鳳翼淒其晨颺  
百神戒而景從千官踊而駿奔瞻望靡及想像奚存  
惟我主上殿下悲良佐之遽失悼徽音之永違猶椒  
塗而惻怛感薤露而增唏命彤管而載烈宣寶冊而  
揚輝其辭曰邦家之昌寔資好逑二妃刑虞一亂興  
周於赫盛朝邁古匹休列祖儲祉啓佑神孫作合初  
載鍾美名門柔嘉維則澍慎其儀從姆率禮顧史問  
詩溫恭朝夕玉度無虧明禹選配令聞日熙婉愉承  
歡誠篤愛敬四聖悅怡六宮歌詠化績內治輔助彌



盛儉昭大練恩絕私運脫簪進規聞鷄申儆房樂宣  
和壺範循正怠惰不設神祇若臨慈莊以莅列御是  
欽艱危之會貞固其心雷風動威克彰陰厲妖孽莫  
售順信獲吉黃裳居體博厚施覃基我王政視昔二  
南岡陵齊頌祝史無愧庶享期頤福祿川至奚天命  
之不佑竟神理之難窮忽觀臺之告履奄軒宮之纏  
凶月馭催而莫攀躑輪逝而長終嗚呼哀哉金門重  
兮穆以清衆靈護兮可不祥非節宣之或愆豈吹沴  
之遽嬰孰可崇於臺貽難責技於扁盧始倉黃而今  
仗俄永訣於斯須絨幽恨而莫達忍萬古而離背痛

蝨斯之嗇慶曾燕謀之罔賴仁者壽兮既無徵聖多  
男子果安在嗚呼哀哉良辰不留厚夜難晨蘭館已  
冷寶奩生塵蘭宮邃兮萋苔色蕙苑闕兮環珮聲宛  
裳衣兮帷殿紛旆旒兮郊垵瑤池遠兮白日晚仙路  
邈兮飄雲軒賞天葩於玉欄訪機絲於銀河結宸情  
於永巷留睿想於層觀嗚呼哀哉高邑翼翼佳城鬱  
鬱玄龜效卜青烏叶訣蔭二陵之松栢接神京之群  
望川原兮逶迤澗谷兮悽愴玄房閉兮幽幽秘隧深  
兮誰窺睇崇丘之象設寄百世之餘悲嗚呼哀哉水  
流于壑雲徂乎方人生兩間與化俱忙計脩短其幾



何率同歸於冥漠惟至德之未沫並昭明而無極託  
琬琰而述哀垂芳懿於千億嗚呼哀哉

大提學李敏叙製

仁顯王后哀冊文

肅宗辛巳

龍擯撤帷翟輅臨達三光黯以悽惻百靈護而奔馳  
蕭軌疑於清蹕吉仗宛其常儀惟我主上殿下臨椒  
掖而撫臨緬組旒而疚心悲永潛於厚隧痛莫聆于  
良箴式稽彝典俾頌徽音其辭曰仰觀古治必資賢  
壺脩齊以成福祚以遠於赫熙朝閨闈最正任奴代  
繼儷德凝命天眷休運聿俾內贊驪興毓社聖女載  
誕夢月祥著崩沙慶驗內外法家動有濡染懿質夙

睿循蹈典訓柔嘉婉順允矣淵聞文定厥祥配我宸  
極樂洽鐘鼓禮虔晨夕祇事兩殿愉色承歡深荷眷  
愛孝敬彌殫隨事密裨邁古良佐益光乾德苟達美  
化陳詩顧史博觀女則舍和履正珩珮靚穆紘紵教  
成樛木恩覃頌騰六宮詠播二南躬秉儉素志在冲  
抑屏斥華飾杜絕私澤中違艱屯玉度無缺謹畏貶  
損六年一日至德逾彰寶命遂申六駝重尊慶洽神  
人撫育元良恩踰明德宮庭慈孝藹然深篤中闈肅  
雍統序咸整廟見始行禮斯為盛芳齡政茂美疾遽  
纏俞扁技窮閔暮沉綿馮相告稷軒曜淪精地維震



騫颺馭渺冥慟遍窮谷哀徹高穹繇區失於慈覆大  
化缺其陰功嗚呼哀哉仁壽無徵神祐罔終胡不少  
延叶相王道蘭宮虛而曉月繭館闕其秋草律禴輟  
而靈衣寶座改而總幄苑樹憾憾而霜冷殿簾曖曖  
而風蕭躡銀渚兮路超忽訪瑤池兮雲杳邈嗚呼哀  
哉吉岡既卜殿儀式陳鸞旒旒旒蜃衛殷鞞違丹禁  
之邃嚴指玄堂之幽昧百僚攀慕而雨泣千乘哀臨  
守宵載嗚呼哀哉鸞峯之麓鳳騫龍騰神護萬年地  
聯三陵瞻象設兮若臨儼靈閣兮斯煌仰真遊兮日  
已遠取至澤兮不可忘嗚呼哀哉化機推歆脩短孰

尸衆生同盡令名無涯塗莘詰軌彤史流聲齊鷄周  
珥庶紹其馨極崇羨於仁顯超往則而輝炳紀貞珉  
而載烈際高厚而垂永嗚呼哀哉

禮曹判書  
徐宗泰製

仁元王后哀冊文

英宗丁丑

玉露初零仙漏催咽敬宮綸卷萱陞祖撤攀殿衛兮  
萬姓護池綉兮百靈背紫闕之淵蛭指玄隧之宵冥  
哀子主上殿下擗地無容終天何極悲永慕之新揭  
痛景福之長閔降雍言於鸞殿纂聖善於鳳冊其辭  
曰鷄林靈緒鰲原華胄符膺養正誕我聖母配文令  
德繼譽元后玉度淵靜神襟蘭郁陰教內敷陽化外



協椒掖私屏膠木謠騰七載侍湯痛纏天崩密邇真  
殿瞻慕寓斯母儀兩朝一體止慈恩均顧復時際艱  
危默贊大策保我宗脉扶日黃道陰沴旋廓邦基旣  
鞏欽功無貳闡義之謨建極之烈孰非內訓先王是  
述曰惟兩暘暨夫禋祀克敬克恤一德終始在宋女  
堯為周母任一國隆養五紀尊臨天休涵至晚享靈  
第練裙含飴孫曾繞膝日永春闈星曜壽極鳩杖萊  
服天家始覲十上瑤牒曷揚聖徽萬壽稱觴益光謙  
撝無疆其慶如月之恒云胡理并翟綸遐并有疚于  
懷玉候致愆乍瘳旋彌無賴禱天雲觀告稔軒宮淪

彩萬彙慘愕三精普晦佇海屋之添籌忽雲駟之催  
軻真遊邈兮雨泣紛德音緬兮雷叱殷嗚呼哀哉珠  
旒慘以變經兮被皓髮兮摧彌追眷庇之慈恩兮蓋  
地厚而天高拚遺旨而掩泣兮儲敦匠之百具文綺  
燦而白金耀兮省經費於民賦藹慈意於萬歲後兮  
體昔年之憂恤欵坤極之未終養兮導月御而先陟  
龍攢設於一時兮倍嚴廬之痛盡嗚呼哀哉隨暮雲  
於蒼梧兮玩蟠桃於瑤水捐仙珮兮若休歛容衣兮  
永闕蘭館兮蛩音秋殿兮蘭委懷社飯兮愴群情感  
風樹兮增孝思躬書石而狀德兮宸墨濡以血淚嗚



呼哀哉先陵右崗治命攸屬陰陽有拘龜筮移卜發  
神慳而地獻若有相於冥冥睽象設之孔通暖松栢  
之連蒼儼三榻於一閣共陟降之洋洋知無憾於幽  
明庶有慰於吾王嗚呼哀哉一氣屈伸萬象盈虧流  
川逝景聖凡同悲惟天齊之懿範與坤育之仁德託  
琬琰而永傳窮宇宙而靡泐嗚呼哀哉

弘文提學  
李鼎輔製

景宗大王哀冊文

英宗甲辰

敢殿初啓廢衛已闢柳宮龍動冰池魚躍離丹禁之  
肅穆指玄扃之宵邈泣兆庶於浩穰彌萬靈於寥廓  
惟我主上殿下愛篤均氣哀深繼體痛三朝之永違

慨五月之有制願微猷之猶在藹聖功之可傳俾揄  
揚以彤管冀布昭於瑤鐫其辭曰皇穹眷佑聖人斯  
作自在冲年已著岐嶷學惟時敏功則日將位正蒼  
震望協元良釁宮執經縫掖聳觀承事兩宮誠孝罔  
愆雖遭變節不改常度泣辭內禪遜讓彌固肅考晚  
年美疾常在方當侍湯不暇解帶爰泊後星共焦中  
心四載參理一念勞謙文齡遽減武烈丕承恤宗猶  
周減容踰膝羹牆之慕寔根聖性堯文舜哲禹儉湯  
敬因心則友貳體爰冊國勢鞏固有如磐石春暉長  
樂棣華交影迭奉壽觴舉國歡慶

此下十四字誌狀  
添修時因是敬刪



去  
省費寬徭旌忠雪冤一變弊俗咸歸至淳漢宋之  
君舉崇私親獨懷冲挹公議是猶臨郊禱祀去蓋歎  
懾化及飛潛恩霑動植方祝筮於岡陵忽告稷於觀  
臺三光晦魯而秋雪二儀震蕩而冬雷繞金滕之穆  
卜已玉衣之遐舉究理數而差舛仰真宰兮茫昧嗚  
呼哀哉仁而必壽先聖有言何御極之未久奄降割  
之斯邁萬品兮失其履燾群生兮撤其帡幪淒涼兮  
黼座寂寞兮靈宮衆冕虛陳几闕徒設瞻儀範而如  
昨空孺泣之有啜嗚呼哀哉青烏協卜白虎騰精厚  
夜沉沉兮玉匣寒重雲漠漠兮瑤扉高望九閩之觚

稜接五陵之松柏嗟仙馭之莫攀指白雲兮何適嗚  
呼哀哉聲容漸遠穹壤靡逮雖威顏之永隔尚德音  
之不昧巍巍冠古之行蕩蕩難名之烈並海嶽之高  
深窮宇宙而罔缺嗚呼哀哉

李師尚製

端懿王后哀冊文

肅宗戊戌

祖輟丹祀庭列素衛瞻鶴闌之曉闢儼蜃輶之先戒  
惟我主上殿下悲繁耄之息影悼前星之失儻紆聖  
情於止慈念懿範之將翳爰稽典冊式圖揚揭其辭  
曰帝眷我東篤生元良塗摯有門雲鳳呈祥天作之  
合允矣好逑因心孝友稟質婉柔歡承二宮禮虔三



朝情容不設儉德彌昭含和蘊英志存謙抑問詩習  
 禮動遵規則升載敬慎如一日然雖嬰美疾令度罔  
 愆聖后禮陟慟切孺慕玉候違豫誠深代某百行之  
 源前史罕覩東宮理政四方拭目庶贊陰教基我王  
 化冀神明之不祐奄凶聞之遽播朝嘻嘻而夕違曾  
 不移乎時晷湯炳難施俞扁失技嗚呼哀哉理或有  
 差天不可問弓韜無徵蘭桂早隕觀臺修其告稷仙  
 路邈而靡追宛裳衣之如前委環珮而若遺嗚呼哀  
 哉青春易謝遠日有期塵生鏡奩香歇堂帷銅闌閨  
 兮殘月薤曲淒兮悲風紛宮官之兩泣寄後思於無

窮嗚呼哀哉鬱彼新岡五陵之內神道克協地理爽  
 塏幸列祖之密邇接佳氣之氤氳嗟玄扃之一閉痛  
 厚夜之難晨嗚呼哀哉玄機旋斡化運遷移彭殤不  
 齊貴賤同歸惟覩天之美軌寔窮壤而不廢托彤管  
 而述哀垂芳猷於來世嗚呼哀哉

弘文提學  
李健命製

宣懿王后哀冊文 英宗庚戌

攢寢啓夕容車戒曉儼吉仗之煌煌邈神遊之宵宵  
 惟我主上殿下念繼體之重篤因心之友痛愍凶之  
 荐及矐長秋而興疾俾揚直方之盛烈庸期昭垂於  
 永久其辭曰於休聖妃德善世紹在娠發祥日月夢



曜既降既長服我淵塞天人異度喜愠不色華不我  
艷儉不我數爰初就簡已著嬪則雷風不迷天意攸  
屬迺配震索迺膺顯冊承事兩殿愉愉翼翼聖考執  
手曰吾佳婦祝汝于壽恃汝于後后拜欽承退有涕  
零大喪之日哀教感聽暨莅壺政陰化苟馳恩覃膠  
木德洽闇唯履正思順珩珮逶遲潛心女則服禮陳  
詩侔德嗣徽惟仁顯規痛纏天崩血染湘浦大冬苦  
塊崇疾不顧齋諱如喪遇啖不御毋儀雖尊愈素謙  
素濯龍之戒內絕私施壽觴奚樂下隱民瘁眷我聖  
嗣終始保佑孔懷之情用以慈覆逆豎煽凶誣及二

聖后每惋痛義明辭正世道有賴集穉羊性方期萬  
年奄及不幸惟幾之際尚慮上躬啓牖引涼不自戒  
風竟奪芳齡莫問天理方祇震傾圓魄淪墜雲駟倏  
而上征哀下民之喪妣養一國其無何增我王之孝  
思嗚呼哀哉天札丁寧遺教是揭杯盃內出絞冒宿  
製費無病於有司惠則遍乎窮氓惟服練之素尚恐  
厚死而厲生既泐譽之孔敷而令德之彌光惟仁心  
與仁聞詎沒世其可忘嗚呼哀哉儀形若存德音永  
隔塵生蘭殿彩滅椒掖玉臺聞其秋草寶座虛以素  
帝雲帶慘兮結長陰露泫泫兮凝早霜隙駟騁而難



追壑舟移兮馬藏嗟靈辰之莫留已隧路之長闕出  
宵載於寒郊殷雷哭於厚地嗚呼哀哉瞻彼東封復  
土維新穀燧士改廢儀再陳追寧陵之遺制卜珠丘  
之同歸捨鄰岡而就近想願言而無違分象設於上  
下合薦享於寢闈共萬世兮千秋續鐘鼓之舊懽視  
從紉而奚間認坤理之安安嗚呼哀哉水流花謝雲  
徂于方化機推效孰能久長縱脩短之同盡獨芳微  
之不亡故天妹與女堯播休聲於終古托琬琰而述  
哀慰臣民之永慕嗚呼哀哉

工曹判書  
尹淳製

英宗大王哀冊文

當寧丙申

黼荒既列羽葆將啓祥車在門廢馬在陞于時白露  
淒於黼蔽斗柄懸於褚幕違觚稜之淵蛸就珠丘之  
宵漠孤孫主上殿下慟燕謨之永闕哀蜃儀之奄成  
屬下臣而陳辭鑄顯冊而揚聲其辭曰於穆上帝篤  
生先王克孝克友克敬克莊受命景宗遂位東宮有  
龍升雲維德之融小心抑抑祇承太后憂虞之際實  
荷保佑太后曰咨溫文有行瑜珮雖宗國之慶此  
于踐祚無荒不包愷悌之澤洽于四郊剪除逆惡不  
動聲色肅肅其威蕩蕩其德敬事神天震雷則變夙  
夜怵惕罔敢遊宴歲或大旱齋明以禱誠意感通陰



兩其膏昭格祖考禘祀孔時冢宰讀誓司寇莅之烝  
嘗命攝躬自授香端冕爾恭如親裸將赫赫崇壇並  
祀三皇義聞昭明萬世有光鬱鬱溫陵未復位踰翟  
儀躋紂七廟是告愍茲赤子歲納布縷為蠲其半以  
涵以煦爰發輜軒率彼海濱曰漁曰鹽無稅不均哀  
此紅女名編驛婢夜織于機征入不已乃降明諭悉  
減女貢冰泮于歸百室歌誦泚視朝儉德孔章六  
宮承刑而袂不良於粲文錦出自中國王命禁之奢  
俗少革園土洞開仁聲四揚群囚稽首喜見天陽盡  
矣烙刑聖人所戒王命除之休祥以介乃修秩禮乃

叙倫藝視學釋菜饗我先師頰宮大射籍田親耕蛇  
蟠鳥翔閱彼戎兵洪範之道先辨逆順有罪必誅王  
法既信乃著昭鑑以正方國人羞其行靡不歸極丹  
宸垂拱五十二年行之以久持之以堅四方鼓舞共  
樂昇平堯舜之化庶幾復行胡上宗之奉同遽太史  
之勸防悲弓劍之莫攀望白雲而彷徨嗚呼哀哉祖  
道既載門燎煌煌遣車九乘綢練飾牆嗟畫翬之遲  
遲不忍過於清廟孝思藹以無窮永終古而有曜嗚  
呼哀哉瞻彼耆社靈壽有閣太祖初躋肅宗繼陟王  
享大塋又紹厥休黃髮在堂與相獻酬鐘鼓諧而鏗



鏘紛胡考之起舞哀鮫背與兜齒寢凋零於草莽嗚呼哀哉鸞車設幃龍攢加荒筍簾不懸弓矢不張銅魚躍而拂池驚四綽之銜枚歌虞殞而于邑香九疑之崔嵬嗚呼哀哉命我嗣王攝理庶政社稷永靖由王之聖雖宮車之晏駕已衆心之緝綏固遠謨之豫定非睿知其孰思嗚呼哀哉維揚之山康獻所奠旁有一崗下繚千嶂左青龍而叢叢右白虎而遷迤泉源遠而縈之固星土之信美神師攸贊儒賢攸定何待龜著然後為證自靈寢之初卜已先驗於地脉積百年而肇發亦天命之不可易嗚呼哀哉

藝文提學  
黃景源製

貞聖王后哀冊文

英宗丁丑

龍攢肇闢蜃輶載戒素衛森而徐引玄扃宵而長邁百神奔屬而雲屯千官慘愴而雨泣惟我主上殿下悼椒闈之永閔盡蘭儀之靡及臨翠幄兮撫芳躅聆鷄鳴兮思良歲爰稽彝典俾揚徽音其辭曰乾道維理允資坤德王化攸始協敷皇極嬪虞媯納啓周洽陽煌煌彤史不顯其光於皇我朝壺範最正續女達城曰篤其慶倪天碩媛嘉止代邸承歡紫闈珩瑀嫺禮蒼震儷尊柔則孔章經躋歷屯寔同吾王圓舒配羲兩曜齊明翼翼祇敬內助相成誠虔蘋藻惠享絃



文苑叢書 卷二十一  
二十一  
統揚芬播馥蘭茝之孽怡顏愉色備養長樂任姒曾  
閔視往愈焯慈覆含飴克邁明德疊疊令譽芳猷靡  
或練裙昭儉私謁屏跡金蘭玉粹輝映寶冊十亂齊  
稱二南並謠卅有三載化覃肖翹穆宣陰教有黃元  
裳自天申錫何祿無疆逾六通七籌添海屋金母薦  
桃南極星煜慶流如川頌騰如同佇期繁祉難誌者  
蒼俞扁彈技皇祇告灾不吊一夕仙輶遽催靈婺翳  
而淪光登上都而玩花羨真邈其若茲詎神達之匪  
差嗚呼哀哉仁壽無徵咎爾司命瞻月御兮莫攀悵  
雲鄉兮彌負爾館鎖兮草離離縹幕垂兮兩浪浪玳

笄續而迸涕翟褱而增傷銀渚超忽而迫隔霓旆  
飄揚而曷追嗚呼哀哉青烏叶吉丹旆啓達瑤瑟暗  
而孰張玉衣悽而虛設蕙肴兮夕薦薤曲兮晨咽颺  
馭逝而焉逝查真遊之杳茫嗚呼哀哉昔律鬻麓鳳  
翥龍翔密邇二陵維明暨翼悅陟降之昵陪儼珠丘  
之相側瓊珮暖而闕響懷德音而不謖嗚呼哀哉玄  
造迭運懿允同原逝川罔停騁駟疇絀雖靈質之潛  
翳尚颺聲而續烈微塗摯而載耀歷千祀而芳菲鏡  
貞珉而昭垂并日月而揚輝嗚呼哀哉  
奉朝賀元  
景夏製  
真宗大王哀冊文 英宗戊申



文苑補遺 卷二十二  
銅闈夜闢玉漏晨響羽翮徐引池綽長往違青宮之  
肅啟即玄堂之幽昧百靈歛翕而爭趨兆庶踴眺而  
靡逮惟我主上殿下親扶蕙藎叩心摧腸哀前星之  
寢輝悼承華之委芳思紀蹟於琅玕俾垂徽於千億  
載命詞臣式揚顯冊其辭曰於赫盛朝累葉重光聖  
神繼作鴻休世昌肆我不嗣應運挺生爰自震夙寔  
著淵靈彩禽徵夢金龜呈瑞湯降軼異禹錫同揆厚  
厥亭毓允矣卓絕溫文岐嶷睿智英發藹然誠孝尤  
出至性起居食息隨畫祇敬友于同氣由斯以推及  
侍三殿克慎其儀聰哲自得竒愛攸鍾進登貳極望

洽四重幼而履尊儼若成人暫御之接以莊以仁徐  
言一警懈習自飭偉度沉識匪凡所測斥遠竒表外  
累莫奪精專問學宗頌必察尊師致禮七齡已然崇  
儒敬老一心靡愆豐宮齒讓古典是舉德容純粹英  
聲朗澈一人元良園橋齊忤冠醮繼行寶圖增衍仁  
聞播遠八域延頸祥和畢迓壽祿宜併何天命之弗  
祐奈神理之多盤條馮相之告殺忍甲觀之弛衛嗚  
呼哀哉菁華政茂萬日初暎精英馥郁彩暉絢緼雖  
乍嬰於美疾豈無方於遄損達並施乎湯炳竟莫究  
乎標本嗟俞技之不良詎救發之能已聞末音之悽



文苑補後 卷二十一 哀冊文 二  
惋激哀思於中外嗚呼哀哉龍樓兮靜廓鶴駕兮超  
忽恍問寢兮隔晨愴視膳兮何日宮門鎖兮白日寒  
講筵闕兮凝塵積紛觸目而助惻寄宸慟於無極愍  
生民之不祿念宗祧之靡托宵厚夜兮漫漫仰彼蒼  
兮漠漠嗚呼哀哉天機適轉年律俄變涸陰兮已盡  
陽和兮方煽驚新序之復回悵仙遊兮莫返緬象魏  
兮睠謁想靈爽之依宛嗚呼哀哉瞻彼瑞原有鬱佳  
城岡阜縣縣密邇二陵知幽明之罔間信慳秘之在  
斯陪玉欄之賞花奉歡樂兮長無違嗚呼哀哉盈虛  
一致脩短同歸雖定數之難齊惟德義為不隳而洪

澤之未敷尚令名之長世托哀詞而傳永并汗簡而

昭揭嗚呼哀哉

判府事李宜顯製

孝純王后哀冊文

英宗辛未

素衛戒道玄堂捲帷仙漏報曉而淒咽雲旌引風而  
逶迤惟我主上殿下悼懿行之早隕哀婉容之永隔  
爰稽古典俾揚芳躅其辭曰夢叶彤管鍾澍華闕名  
父受知戚聯王室天桃播詠嬪于貳極端潔其操貞  
一其德候鷄問寢環珮鏘鳴勿不愆俄克敬而誠四  
殿溢歡六宮騰賀祝以遐福百祥咸迓不吊于天冲  
年降割服衰而并晝哭淚血矢心同歸惟願其速要



寬聖意抑情愉色三朝之禮病不言疲視膳善寡以  
飽以飢躬省御席適其溫清造次跬步仰以為命宸  
情興歎曰予孝婦乃許知心賴而忘夜允矣純範百  
行之源履貴愈謙戒存私門盛滿之懼屢形於眉杜  
絕外廷有肅重闈既溫且莊衆美皆具長侍膝下庶  
娛晚暮何賦命之太熾並與年而終嗇朝怡怡而夕  
違倏真遊之寥廓嗚呼哀哉追念渚灘汜有餘哀冰  
雪凜嶸諱辰重迴香未傳於孤原魂也復於深宮惻  
抱影而感時遂隔日而相從嗚呼哀哉春迴於故堂  
月照於虛廟依依宛宛若有徊徨寄餘情於末音尚

瞻顧於玉食背雲閣之岩峴指天路之負邈嗚呼哀  
哉瞻彼佳城筮吉同崗象設仍舊松栢增傷諒宿願  
之在斯今乃獲其攸止惟別短而會長詎有違於神  
理嗚呼哀哉仁而無祿終古所悲祗有令名永言不  
隳倬雲漢之狀德慰孝思於長逝徵聖筆而述哀期  
垂曜於百世嗚呼哀哉

史曹判書  
李天輔製

懿昭世孫哀冊文

英宗壬申

素帟初啓丹旒載颺工祝撤祖而紛沚池綉戒途而  
長往惟我主上殿下悼孫星之遽淪悲少郎之永閔  
爰命詞臣俾揚微躅其辭曰天眷大東篤生神孫祥



光耀霄祿道祉繁聰哲溫文星眸日角三殿奇愛兩  
宮至樂章憤受冊接武少陽甫及周歲指對四方辨  
字維幾六十有九曠省而涕啓餐于手玉音微聆色  
聳喜騰本然之孝克邁閔曾取撲殿華尚質之德宗  
祊磐泰八域延拔胡穹昊之宵漢竟神理之多違  
輪逝而電迅而電迅以御筆改以之難過渺真遊之莫追嗚呼哀  
哉蘭蓀夙茂麟騶競頌謨貽燕翼懼洽舍矣縱嬰疾  
而彌留期勿藥而造復俞技窮而罔效奄冲齡之不  
泐嗚呼哀哉雕檻兮淒淒總帳兮窸窸俯仰成陳觸  
境增畫想朗音而在耳緬岐姿而森目恫無涯於重

宸矧衆涕之盈掬嗚呼哀哉有苑新崗密通天闕英  
靈不昧晨夕朝謁慰聖懷之哀傷詎有間於幽顯玄  
扃掩而厚夜象設儼而環燿嗚呼哀哉今古丘原脩  
短同歸煌煌琬琰千緄芳菲寫至情於雲漢淚字字  
而忍讀嗟令名之永終庶不泯於汗竹嗚呼哀哉

提學元  
景夏製

文孝世子哀冊文 當宁丙午

維歲次丙午五月癸卯朔十一日癸丑文孝世子率  
于昌慶宮之別堂殯于瑤華堂是年閏七月壬申朔  
十九日庚寅將遷于高陽栗木洞之原禮也羽葆啓



文苑叢書 卷二十一  
前星斗正中青烏載卜銅龍遂空辭丹掖而遊違就  
玄扃而永闕匝千官兮兩泣導百神兮雲衛惟我主  
上殿下情惟止慈慟實由臆悼離日之奄淪念震鬯  
之靡托拊終事而曷慰揚遺躅而將傳爰命蘭臺俾  
宣瑤鐫其辭曰猗我列聖德配上帝維帝維佑克昌  
厥世錫茲元良承為冢嗣先休叶時物靈呈異慶占  
流虹祥符華棗半夜噶噶神光滿抱克岐克嶷天表  
日角仁孝良能溫文自得甫及三歲儼若成德率循  
輿請進策春邸丹幘玄袞步采中禮喜溢延頸歡深  
繼體繞膝怡愉日侍殿宮袞冕之臨藹然笑容履綦

之旋怒焉啼呼百行之源殆其性乎嗜好在書珍玩  
不易未學語時不捨方冊遊嬉必是手摩目寓若有  
心契病猶不措賓僚之接克慎其儀瞻視必端穆如  
有思冲齡受經肅祖攸行時維重陽歲又同庚雷肆  
聽講百僚咸忤德宇天成睿思日闡寔受景貺宜壽  
宜福鞏我國本期永千億胡明兩之繼照奄儲貳之  
告灾朝嘻嘻而夕咷香雲輯而莫回嗚呼哀哉曩罹  
无妄造獲勿藥庭呼有期廟告在即二豎之復嬰  
遽一時之示億刀圭進而罔效牲幣遍而無賴回紉  
儀而舉訕輟賀班而領哀風輪轉而電掣孰所使而



相催嗚呼哀哉扶雲漢兮顛蒼旻呼善蔡兮質黃神  
既周郎之毓靈儘湯降之不遲若自天而申休佇景  
命之無違憑玄理而莫徵縈誰咎而於忌書惟夕而  
已聞鷄寢曉兮誰問嗚呼哀哉瞻彼瑤華玄攢載設  
扇蓋在御丹盃陳列爐香藹兮唱臚宛鶴駕兮期格  
寡素帶而撤祖拊陳迹於觸目追末音於再呼想孺  
慕於哀淚顧群情之若割况宸痛之可既嗚呼哀哉  
佳城有苑栗林之岡雙闕孔邇二墓入望觚稜莪而  
迥接松栢夔而相向倘幽顯之靡間庶晨夕之無曠  
嗚呼哀哉幽宅啓兆靈馭戒緋素衛外備丹旒前發

銀漏盡兮月沉五宇寒兮露晞仙遊邈兮上征嗟一  
逝兮無歸嗚呼哀哉理固難齊物本同源盈虧有定  
得喪無門雖懿德之未章尚令名之不濇撫遺範於  
五齡寫至哀於一篇微宸翰而紀實庶垂耀於永年  
嗚呼哀哉

判中樞  
金煜製



文苑黼黻卷之二十二



